

目錄

八指頭陀詩集

一

八指頭陀詩續集

七二

緇林尺牘

一六〇

竹窗隨筆

一九二

竹窗二筆

二二七

竹窗三筆

二六三

等不等觀雜錄

三〇三

佛教初學課本

四一三

佛教初學課本注

四二〇

十宗略說

四四二

一念成佛法要

四四七

二課合解

五一〇

古農佛學答問	六〇二
佛學指南	七六三
唯識三字經	八〇七
唯識三字經釋論	八一二
唯識三字經講錄	八二三
佛教常識問答	八三二

舊序

詩歌僧律所戒而寒山以之度世唐時俗尚吟咏亦猶
鼓音默言入其羣以接引之也寄禪師兄幼誓出家然
指求法精進甚苦初不識文字忽有慧悟通曉經論有
踰宿臘然頗癖於詩自然高澹五律絕似賈島姚合比
之寒山爲工湖外樸儉士大夫雖異之莫能崇奉檀施
也故得全其孤潔自吟自賞而已使有刺史求見之幾
何而能留國清乎夫法尙應舍何況言語然世尊相好
妙音皆當示見供人贊仰生人信向閻運平生求工文
詞信爲逐末矣既見所錄輒題以告學者丁亥閏月戊

八指頭陀詩集序

申湘潭王閻運序

舊序

自晉以來文勝至唐詩勝趙宋理勝而釋家均隨世有
拔萃之秀就詩論之唐僧詩不能頡頏王李六朝僧詩
無愧陸謝唐後益靡矣蓋法顯支公兼文理以爲詩齊
已諸人徒事吟咏故也謝靈運譏孟顗無慧業慧者圓
頓之所尙業者退墮之所由然謝雙舉爲言豈不以一
切法爲慧爲業乎知業之善猶不善益知業有善有不
善也其理非趙宋後之理其詩卽非趙宋後之詩也吾
鄉多詩僧詩不勝余僧定不勝余而寄禪和尚以慧業
故不由識字自然能文眾聲異之爭相傳鈔欲其省便
因爲刊布余初序之引賈島以比意以爲不過唐詩僧
之詩耳既隔一年復有續作乃駭駭欲過惠休余序未
爲知言亟刊前序更爲論定亦見進步之速也寄禪得
慧而能兼文理以爲詩可謂希有雖然慧亦業也法亦
業也散花所以供養何故反以著衣爲結習眾無花業
故故亦無花慧知此而寄禪可爲詩亦可以不爲詩矣
戊子十一月既望王閻運改定重題

八指頭陀詩集序

舊序

余識寄師十餘年矣見則口吃吃吟其詩一字未安推敲竟日故其詩日益進而集且日益富矣寄師盛年從武岡鄧白香吾邑王相綺兩先生遊其詩宗法六朝卑者亦似中晚唐人之作中年以後所交多海內聞人詩格駘宕不主故常騷騷乎有與鄧王犄角之意湘中固多詩僧以余所知未有勝于寄師者也自癸酉年始至戊戌年止共得詩十卷其前五卷義甯陳伯嚴考功校刻行世卷六至卷十余爲之續刻有爲前本未錄者余仍選得數首附後補遺凡半年而功畢寄師往來梓人

八指頭陀詩集序

處猶復改刻不休其溺志苦吟信有不可及者釋氏喜言因緣如寄師者殆所謂有文字緣者耶戊戌臘八日湘潭葉德輝識

敘

予世居湘潭之薑畬寄禪師爲薑畬黃姓農家子幼孤貧爲人牧牛十餘歲時投山寺出家爲僧然兩指供佛故名八指頭陀師長予將二十歲予幼時卽聞鄉有奇僧具夙慧能爲詩初不識字以畫代書不知壺字輒畫壺形其時薑畬鐵匠張正陽及予妹叔姬皆不學詩而自能詩鄰居三里以內有此三異鄉人傳以爲奇而王湘綺先生隱居雲湖相距才十餘里予輩咸師事之其地又有老農沈氏能學陶詩羣呼爲沈山人又有陳梅鵷處士亦居薑畬博學能詩不事科舉刻有陳薑畬集

八指頭陀詩集序

一鄉之中詩學大盛高談格調卑視宋明漢魏三唐自成風氣惟師自出家後遠遊於外其先塋在薑畬偶歸拜墓因來相訪予始識之聞其自言初學爲詩甚苦其後登岳陽樓忽若有悟遂得句云洞庭波送一僧來後遊天童山作白梅詩亦云靈機偶動率爾而成然師詩格律謹嚴乃由苦吟所得雖云慧業亦以工力勝者也師曾宿予山齋予出屏紙強其錄詩十字九誤點畫不備窘極大汗書未及半言願作詩以求赦免予因大笑許之自後師不再歸予亦出遊湖海流離十有餘載中間未曾一見惟予居日本時師自浙江天童山寄詩一

首而已民國元年忽遇之於京師遊談半日夜歸宿於法源寺次晨寺中方丈道階法師奔告予曰師於昨夕涅槃矣予詢病狀乃云無病道階者亦湖南人妙解經論善修佛事師之弟子也予偕詣寺視之遺歸葬於天堂並收其平生詩文遺稿以歸待乞湘綺先生爲刪蕪雜以之付刊先生暮年耽逸久未得請予亦因政變身爲逋客未暇及此湘綺先生旋復辭世更越二載予得免名捕復還京邑始出斯稿以付手民然未敢爲刪定僅整齊次第之而已師詩曾由義寧陳伯嚴湘鄉王佩初同縣葉煥彬先後爲刊十卷其未刊者八卷師自定

八指頭陀詩集序

二

爲續集今爲輯合而全刻之附以雜文都爲十九卷道階及子妹婿王君文育同學喻君味皆友人方君叔章爲之校字文育湘綺先生第四子也凡校刻經八閱月而始成距師逝世逾七年矣世變孔多劫灰遍地而此稿猶存端忠愍辛亥南行從予借取叔姬詩稿以去云將鈔稿見還後乃攜以入蜀革命事起端旣被害稿亦遺亡副本雖存然不備矣予丙辰歲遭亡出京之日隨身手篋所儲只此故人遺稿故未散滅以至於今執彼例茲寧非獨幸世間生滅無常一切等於此物師何必有此作予何必無此刊事與教法無關而於因緣足述

故詳敘之於此民國八年十二月湘潭楊度序

八指頭陀詩集序

三

八指頭陀詩集卷一

釋敬安寄禪

祝髮示弟

癸酉補作

人間火宅不可住我生不辰淚如雨母死我年方七歲
我弟當時猶哺乳撫棺尋母哭失聲我父以言相慰撫
道母已逝猶有父有父自能為汝怙那堪一旦父亦逝
惟弟與我共荒宇悠悠悲恨久難伸搔首問天天不語
竊思有弟繼宗支我學浮屠弟其許豈為無家乃出家
歎息人生如寄旅此情告弟弟勿悲我行我法弟繩武
泊空舫巖上杜公亭

八指頭陀詩集卷一

杜老留題處征帆又此停水痕侵岸白嶽色向人青
燕飛何處江猿不可聽揭來一憑眺落葉滿空亭

題陳伯磨鎮軍隱居

將軍奏凱還高臥此中閒綠樹覆幽谷白雲生遠山
雄心銷劍氣勳業驗刀痕萬里沙場月依然照草關

送春

一枕煙霞睡味賒不知春去野人家數聲嘯鳥幽窗外
驚起山僧掃落花

莫秋偕諸子登衡陽紫雲峯

紫雲最高處飛錫共登臨秋老山容瘦天寒木葉深西

風孤鶴唳流水道人心坐入林塘晚寥寥鐘梵音
宿嶽麓寺待笠雲長老不歸

得得扶筇上翠微寒林空見白雲飛鐘鳴古寺人初靜
月滿蒼松鶴未歸

題玉池別墅

溪山深處主人閒山外桃花漲一灣一入仙源塵世隔
莫隨流水到人間

長沙龍潭山有寄禪與余同字喜賦

楚水吳山各一天論交印合有前緣西方自古三迦葉
東土何妨兩寄禪

君江南宜興人工草書能詩貌癯
余體豐甚時人有大小寄禪之稱

八指頭陀詩集卷一

禽尹和白

鎮日焚香禮翠微松花落滿水田衣柴門寂歷生幽草
除卻孤雲客到稀

君山返棹

寒鴉旅雁莫天飛半落平沙半翠微最好湖山看不盡
洞庭船載夕陽歸

懷精一上人

思君不可見朝朝恨煙霧衡陽雁已遙遠書寄誰去忽
見黃鳥飛出谷鳴高樹躊躇東復西幽情共誰語

喜劉甫臣過訪

雲廚苦淡薄留君何所待山上拾枯松歸來煮野菜無酒亦成歡佳會言難再

偶作

長嘯返林壑息心了無求盈虛有真宰得失忘喜憂懷此得真趣因之絕世遊煙霞最深處麋鹿皆吾儔

送海峯上人行腳

甲戌

南詢從此始煙水浩漫漫一鉢飄然去千山次第看江雲春樹碧海月夜鐘寒處處隨緣住無求夢亦安薄莫偕瘦松龍山散步

與來驅我去薄莫入雲深流水半江月松風萬壑琴歸

八指頭陀詩集卷一

三

漁宣渡口晚磬出疏林與子一爲樂彌生清淨心

春日漫興與師老人作

獨處罕儔侶草堂冬復春澗花飛獻佛林鳥語親人白髮吟情淡青山道味真寥寥塵境外木石自爲鄰

將之南海賦別

乙亥

舊院安禪處經年錫一臨欲辭溪澗水去聽海潮音白髮憐師老青山恨別深空門本無我那有去來心

楓橋夜泊和唐人韻

白露橫江水接天秋懷黯黯不成眠一身漂泊三千里獨宿蘆花月滿船

杭州 丙子

欲把杭州當橘洲閒身到處便勾留此生不作還鄉計飽看湖山到白頭

春日靈峯途中

春來多逸興獨去款巖扉澗草青承屐溪雲白上衣落花隨水至野鳥伴人飛樵路行將盡鐘聲出翠微

莫遊玉泉寺

夕陽林谷暝眾鳥亦知還涼月一渠水殘雲數點山偶隨寒磬入欲共老僧閒夜久羣動息輕煙澹碧鬟

西湖行宮二首

八指頭陀詩集卷一

四

孤山猶見五雲遮父老年年望翠華水殿無人秋寂寞清溪開遍白蓮花

夾岸青青御柳垂朱甍碧瓦壓湖湄斜陽輦路多秋草卻憶三朝全盛時

瑪瑙寺懷古

生公講經處

地僻雲深少客來梵王宮殿盡塵埃淒涼一片西湖月猶照生公舊講臺

遊三茅山普安寺

丁丑

直上南來第一山薜蘿深處款禪關聽松一拂依然在化鶴三茅去不還古洞煙消丹竈冷叢巖雨過白雲閒

請看原上墨墨誰乞金丹駐玉顏

莫秋書懷

身似孤雲無定蹤南來三度聽霜鐘人方見雁思鄉信
山亦悲秋帶病容佳句每從愁裏得故人多在客中逢
自嗟未了頭陀願辜負青山幾萬重

將之天童結茅

山僧性愛山不樂人間住欲持瓢笠行更入山深處

歸茅山

禪心不及白雲閒桂苒風塵老客顏一別林間驚歲晚
歸來紅葉滿秋山

八指頭陀詩集卷一

五

秋日有感

島樹落黃葉故鄉仍未還客情倦飛鳥病骨瘦秋山試
照恒河水已非嚙昔顏何時衡嶽下歸掩白雲關

宿阿育王寺

秋林日色微樵徑語人稀一雁隨雲度孤僧帶月歸霜
清聞木落夜靜見螢飛獨宿空山裏超然與世違

重陽後一日偕水月上人登慈谿驛騎山

重陽後一日結伴此登臨萬壑白雲滿千山紅葉深寒
潮明遠浦疏磬散空林憑眺斜陽裏茫茫愁古今

莫秋茹峯山閣晚眺

高閣凌霄漢登臨見大荒輕煙凝遠樹疏雨澹斜陽江
淨寒潮白秋高木葉黃憑欄不欲去明月照衣裳

住山吟爲典了上人作

結廬人境外終日掩柴關法侶檐前樹禪心雨後山種
松期鶴宿掃石待雲還寂寞幽棲忘機與物閒

閉關

天涯倦遊客築屋掩禪關世界微塵大身心一味閒種
蓮聊結社悟理當看山寄語宗雷輩相期共往還

人日重過茅山寺疊前韻

戊寅

心似飛雲思故山又攜竹杖叩柴關澗流碧水仍如舊

八指頭陀詩集卷一

六

人逐青春去復還看石忽驚禪影瘦聽松殊覺野情閒
白頭老宿歸何處惟有孤鐙照病顏

秋夜偶成

八月秋風夜氣清蒲團枯坐萬緣輕巖前月墮定初起
錯聽溪聲是雨聲

曉過聚德禪院訪屠子中

言訪幽人宅芒屨踏曉霜遙山開曙色落月澹秋光清
磬出花早寒鴉覓食忙閒雲眠未起初日滿扶桑

秋日登伏龍山

鷲嶺鬱崔嵬登臨亦壯哉秋聲生遠樹落葉掩荒苔海

關孤帆度天空一雁來故山不可見愁絕莫猿哀

送阮鏡容出山

煙霞不肯住煙水蕩歸舟落日送行色秋風生旅愁帆
隨片雲遠江挾衆星流他日重來此溪山記得否

過棲隱禪院訪懶愚上人

乘興問誰適翛然獨訪君爲求一字友踏破萬山雲古
木當檐出孤鐘隔水聞遠來相問訊無語立斜曛

懷靈芝山人

萬壑千巖下幽懷誰復知梅花寒不放明月冷相窺窮
病爲詩料閒愁當酒資神仙隨物化何用采靈芝

八指頭陀詩集卷一

七

重宿天童山寺

山有鎮翠亭堆雲塔

踏遍千山復萬山夕陽影裏叩禪關爲尋鎖翠堆雲地
重到幽花瘦石間茅榻鐙昏僧入定松枝月冷鶴初還
自憐碧海浮杯客三宿雲房鬢欲斑

重宿茅山寺

十年蹤迹類飄蓬又宿南來第一峯清夢正貪歸路近
月明何處一聲鐘

訪育王心長老作

行行不覺遠入谷已殘臘松聲近可掬泉聲咽更聞水
清魚嚼月山靜鳥眠雲寂寞雙林下煙霞長屬君

雪中題呂文舟居

扶病策疲蹇言尋靜者居天寒過客少梅老著花疏鳥
啄檐前雪風翻案上書不知瀟灑上詩思近何如

贈屠寄梅

庚辰

白髮蒼顏與世違閒居野外獨忘機一泓流水觀魚樂
半樹斜陽看鳥歸垂釣月明蘆荻岸采芝雲溼薜蘿衣
知君志在溪山裏祇恐丹書下翠微

懷湘陰郭增頤

日落寒林萬樹煙懷君此際倍悽然秋風雁斷書千里
涼月光浮水一天結社青山還憶昨渡杯滄海已忘年

八指頭陀詩集卷一

八

若耶溪畔雲門寺何日孤鐙對榻眠

贈黃子賁

細雨微風裏悽然一送君他鄉貧作客相贈祇孤雲
逢祖印上人

辛巳

百花深處一逢君杖履飄然迴出羣不改山中真面目
衲衣猶補嶺頭雲

與上了上人話舊

當時楚水嶽雲間持鉢從遊鬢未斑一十二年如電拂
白頭相對話岐山

與長沙袁俊良總戎過育王嶺

日暮煙鐘鳴歸路西風緊夕陽在寒山馬蹏踏人影

別楊靈荃社友

唱罷驪歌思悄然山含落日水含煙卻愁今夜江頭月
獨照離人上客船

畬吳雙堂

我與青山有宿緣住山不要買山錢山中歲月如流水
纔看梅花又一年

雪竹

風雪漫相欺青青不改移無人見高節祇有白雲知

還山作

壬午

八指頭陀詩集卷一

九

長揖謝人羣養痾依林泉繩牀不盈尺茅屋纔數椽乞
食縱不飽喜無塵事牽游興忽以至拄杖追飛鷲所歷
既已疲還就樹下眠逍遙隨所適孤雲與之然

訪宗明州湘文

寂寂深山晝掩門芒屨未忍破苔痕今朝欲訪故人去
黃葉蕭蕭下遠村

題畫

一株兩株松三箇五箇竹巖扉長寂寥祇有雲來宿

題竹

一片清陰覆綠苔心虛原不著些埃臨風忽忽秋聲起

疑是瀟湘夜雨來

懷湘曲

八月九月天氣涼霜催萬木皆凋黃久客他鄉思故鄉
故鄉遠在洞庭傍洞庭連天水茫茫波中突出君山蒼
昔年一舸浮滄浪鶴汀鳧渚相徜徉泠泠晚鐘鳴夕陽
蕩漾明湖青黛光天風飄飄吹我裳

懷心泉長老禪房

萬山合沓路橫斜老樹斜陽集暮鴉猶記支公留宿處
一窗霜月凍梅花

正月二十五日過白雲竹院

癸未

八指頭陀詩集卷一

十

暮逐閒雲入竹房梅花夾道澹生香笑看孤塢離奇甚
瓦上松枝挂夕陽

訪陳啟南

微雨睡初醒扁舟入渺冥潮連蟹浦白山接馬鞍青細
草迷幽徑閒花落廣庭主人能好道薄醉聽談經

題悟真上人山房

浮世渾如夢深山獨息機雲從冷處臥鳥向靜中飛永
夜歌明月終朝坐翠微雨餘茅屋冷苔色上人衣

夏日偕錢子和蒲仙昆仲遊玲瓏巖

偶著謝公屐相隨此地遊嶺雲多在樹溪雨欲沈樓地

僻人稀到巖深夏亦秋夕陽歸路好谷口起樵謳

題來誰園

洞門寂寂鎖蒼苔舞榭歌樓廢劫灰惟有多情數竿竹
依然青過矮牆來

自遣

鐘梵晚蕭蕭山廚歎寂寥夜泉和月煮野菜帶雲挑

雪竇千丈巖觀瀑布

瀑布長千丈迢迢挂碧天何當翦一片縫作衲衣穿

懷郭菊蓀司馬

長安不見恨何如雲白山青萬里餘不識故人身健否

八指頭陀詩集卷一

十二

十年未報一封書

舟中秋莫

西風亂颭荻颼颼欲繫孤篷不自由落葉有情飛送客

秋山無語暗生愁雲煙到處隨行腳霜雪欺人欲上頭

我本無家任漂泊又隨明月過滄洲

題天台十甲子老僧坐禪處

萬木森寒入翠微飄然鶴髮久忘機溪聲畢竟無今古

山色何曾有是非澗草自迷遊客屐巖花時落坐禪衣

問師何代天台住手種青松已十圍

登天姥峯

久羨茲峯勝登臨日欲西鳥隨紅葉下人與白雲齊怪
石立如鬼嶮巖斗若梯不從高處望誰信萬山低

登華頂峯

脚底聽流泉人來飛鳥邊羣峯盡如蟻片石欲撐天吳
越雲中盡星河樹杪懸登臨愜懷抱飽看萬山川

國清寺

樵路行忽盡青蓮擁化城水迴雙澗曲雲截五峯平不
見寒山子空聞智者名余生獨何晚懷古一傷情

奉化雪竇山居用王右丞香積寺韻二首

欲覓幽棲處千峯復萬峯偶來黃葉寺聽打夕陽鐘枕

八指頭陀詩集卷一

三

借雲邊石詩題洞口松登高一長嘯驚起隱潭龍隱潭
為神

龍所宅旱時
有禱即應

苔磴懸青嶂茅簷俯碧峯煙中不見寺花外祇聞鐘瀑

布千巖雪珠林一樹松雲陰天欲雨疑有聽經龍

太白山居疊前韻二首

結茅淩絕頂終日對前峯目斷三秋雁心清五夜鐘欲

招池上月疏種澗邊松氣變知時易春雷起蟄龍

偶隨樵子入得住最高峯自汲寒潭水時聞遠寺鐘雨

餘方看竹雪盡始憐松宴坐本無事何心制毒龍

題雪竇中峯寺再疊前韻

小目忽昭曠晴空插一峯斷橋填積雪絕壑墮疏鐘掃石苔侵席翻經月挂松遊蹤罕到處老樹半成龍

贈中峯菴主三疊前韻

何年來雪竇卓錫住中峯獨坐清溪石誰敲靜夜鐘猿號千嶂月人老一庭松咒水趺坐時看鉢入龍

重九病中寄勵季龍

尋山復問水不記幾由旬孤館逢佳節寒燈憶故人秋風欺病骨明月冷吟身消瘦誰相似黃花爲寫真

送秦舍人子質入都

歲晏欲何適天涯行路難猿聲楚山暮潮落廣陵寒遠

八指頭陀詩集卷一

三

別從茲始離尊語夜闌故園花發後應已到長安

歲莫奉懷舅氏

歲莫鄉心切雲山道路賒別來惟有淚歸去已無家親舊漸寥落流年換鬢華艱難憶吾舅隕涕望長沙

癸未冬半谷禪友招余度歲陽堂甫半月子卿弟

從楚來越促余下山賦此留別

巖谷思深遁天心未許閒行吟辭白髮灑淚下青山兄弟情何重煙霞債未還無窮離別意都付夕陽間

甬江送子卿歸里

欲語淚沾襟天涯遠客情君行休作別不忍見君行

重遊雪竇懷秦鹿笙先生

甲申

故人來此地曾問上乘禪同坐澗邊石遙聽樹杪泉山猶青似昔髮已白於前再見知何日相思倍悄然

過徐酩仙故宅

酩仙鄞人善飲工書自號四明醉客

門巷蕭條長綠蕪流鶯猶似勸提壺野棠含雨梨花白不見高陽舊酒徒

送玄松上人還日本

滄海渺無極鄉關何處邊歸帆遙向日島樹遠含煙洗鉢鯨吞水窺齋鳥入船此行應不負了悟大乘禪

三遊雪竇

八指頭陀詩集卷一

西

扶筇三上妙高臺又欲題詩掃石苔野鶴閒雲應識我一年一度入山來

辭明州太守宗公湘文請住仗錫山寺

癸未

萬壑千巖深復深此山真是四明心仗錫有漢人摩崖大字每字長丈餘筆力古樸非晉人可及疎茅欲就雲間住恐有樵人遠見尋

太守得偈堅請不已復此示意

癸未

多年枯木余昔名枯木頭陀已無枝那得猶蒙大匠知祇合寒

巖煨芋用法門梁棟總非宜

附錄馬文齋詩

仗錫仗錫四名嵯峨冠海濱石窗開處隔紅塵四明石巖如窗四面明豁故號四明窗波如何太守叮囑語不與青山作主人古稱四明又稱明州均以是山得名

八指頭陀詩集卷之一終

八指頭陀詩集卷一

五

八指頭陀詩集卷二

釋敬安寄禪

白下懷隨園

乾嘉風雅共推袁回首倉山欲斷魂十載干戈寥落後荒煙無處認隨園

山中漫興寄王子獻

紫芋黃精飽我饑律身常奉懶殘師喜無白髮悲秋想祇有青山結夏思花雨一簾僧對弈茶煙半榻鳥談詩林間風景長如此君但能來莫限期

題寒江釣雪圖

八指頭陀詩集卷二

一

垂釣板橋東雪壓蓑衣冷江寒水不流魚嚼梅花影

訪朱泚瀾

雨後秋花落更開萬山紅葉忽成堆無端又訪龐居士戴得斜陽一笠來

登太白山

白雲扶我下蓬萊爲訪長庚得來幽谷虎過苔有迹澄潭月印鏡無埃山從拄杖頭邊出花在遊人腳底開海闊天空豁懷抱此身疑向九霄回

秋江

兩岸蘆花似雪飛天涯回首倍依依秋風有意留人住

細雨無聲送客歸千里關山行腳倦百重雲水與心違
旅懷此際憑誰說黃葉蕭蕭落滿衣

甲申八月自四明歸長沙

誰憐孤雁向南翔楚水吳山道路長趁得一帆風色便
到家恰好是重陽

一鉢飄然已十年每逢佳處便留連鐵鞵踏破徒辛苦
依舊青山滿目前

題煙江疊岫圖

江煙漠漠水潏潏樹杪人家樹底山我欲誅茅就煙水
往來時共白鷗閒

八拍頭陀詩集卷二

二

自海上歸與本師雲和尚夜話

不待巾瓶側恩恩已十年早知布毛意何用草鞵錢夜
雨談詩坐孤鐙對榻眠別來多少事話罷欲潛然

過泉山寺呈一心老人

痛心吾道切垂老不容閒肯住白霞寺今開紫鶴山雲
煙生講席花雨落禪關恨別慈顏久蒼蒼鬢髮斑

杲山題壁

林泉無俗韻遊賞及辰良倦鳥自知返閒雲不解忙鐘
鳴千嶂夕花落一庭香老宿得真寂身心俱坐忘

卜築衡嶽煙霞峯水石清幽竹樹蒼蔚欣然成詩

身閒罕人事瓶鉢足生涯晴曦春前藥香聞雨後花溪
聲清枕席雲氣濕袈裟箕踞長松下朝朝餐碧霞

重過江會

乙酉

鶯啼花落故園春一樣風光獨愴神多少故交零落盡
歸來翻似異鄉人

重晤陳梅根

故人二十七年別今日相逢似隔生多少離情不能語
急風吹雨打窗聲

過故居

幼與吾廬別今來鬢已華園荒頻易主樹老半無花相

八拍頭陀詩集卷二

三

見幾人識欲言還自嗟卅年真一夢還憶聚恆沙

春懷

忽忽江湖老悠悠天地閒孤雲歸楚岫春雨夢吳山異
域同漂泊故人悲未還

謂精一尤
明二師

祇應幽澗水留照鬢

毛斑

六月十三日與劉北固王君璩會重伯陳伯嚴陳

伯濤雅集上林寺

佳辰集繙素宴坐無雜賓放曠恣言笑聊以適性真微
雨沐庭柯涼颼動葛巾山果應節早園蔬薦時新焚香
吸清茗淨土空諸塵雖無杯中物不見攢眉人希蹤還

公社永好託芳鄰

還山懷甬上舊遊

山川倦遊覽言歸松下房蘭桂馥前庭桃李陰後堂心
閒息眾喧鳥雀近人翔長夏五六月高枕傲羲皇微雨
一以過枕簟有餘涼夜來鐘梵寂虛室間天香圓月揚
清輝清輝鑑衣裳忽念平生親遠隔天一方思欲一見
之關路何茫茫安能生羽翰倏然凌君旁

碧湖消夏

畫橋西畔柳陰東十里平湖水接空不似人間苦炎熱
衲衣閒坐藕花風

八指頭陀詩集卷二

四

重晤舅氏有感

十年離別苦況是涓陽親偶與骨肉會難禁涕淚頻蒼
茫雲水意衰病薜蘿身共話斜陽裏還疑夢未眞

舅氏攜家歸里喜賦

高蹈謝時輩長歌歸舊廬閒尋山水趣笑課子孫書寫
葉晚霜後種花新雨餘委懷在詩酒直欲老樵漁

碧湖晚眺與寶覺居士吳雁舟同作

碧浪湖邊寺紫微山上亭湘浮一線白天壓四圍青細
草侵禪塢閒鷗浴遠汀數聲漁笛晚驚起鰲龍聽

喜會重伯陳伯濤見過用伯濤見贈原韻三首

茶話日將夕虛堂開梵音道根俱不淺靜理亦何深
我郭中曲勞余塵外吟誰能一彈指了悟去來今

是法無高下誰分大小乘水雲天漠漠身世日騰騰
白髮愁難卻青山歸未曾聊將松頂月分作佛前燈
幽寂雨華寺禪宗眾所歸雲生遊客展花落講僧衣
大覺看身妄玄談入理微上方鐘磬裏惜別語依依

書感

古道去已遠澆薄離眞醞玄紫既異彩各自親其親
水渾魚所樂木直斧所掄幽蘭沒荆棘得以全其眞

呈鄧彌之先生用見贈原韻

八指頭陀詩集卷二

五

達人謝物役林下散幽襟以我看雲意知公出岫心
松風蕩煩暑山月照清吟懷抱獨千古寥寥誰賞音

宿麓山寺

一雨滌煩暑豁然曠我襟涼風引秋意夕磬定禪心
掃石成孤坐倚松時一吟夜深樵唱歇巖溜續清音

麓山采藥

采藥入雲路行行日西斜涼風動修竹高樹藏昏鴉
木脫山露骨澗香藤落花留連夜深返江月鳴清笳

山行

意行隨所適佳處輒心領林深闕無人清溪鑑孤影

秋夜懷王柏諒

秋夜不能寐秋蟲鳴砌間疏鐘雲外寺落葉雨中山以我意不適想君情倍艱何時復相見一笑破愁顏

開福寺懷古

祇今開福寺自昔會春園駐錫神僧杳流杯舊址存客來一灑淚花落竟無言懷古情何限江寒唳莫猿

往事已如夢宮花冷夕陽秋風吹落木衰草語寒蟬五代豪華盡十年霸業荒淒涼湖上月曾照幾興亡

碧湖亭晚眺

會春園裏亂棲鴉佳宴堂前日影斜洗盡繁華一湖水

八指頭陀詩集卷二

六

野風吹放白蓮花

秋夜懷鹿門戒兄

去歲麓山寺相逢笑口開驚心復黃葉行迹長青苔鴻雁書難達別離情易哀寄聲湘浦月好送夢魂來

麓山寺題環公房

一室超諸有禪扉夜不扃山光四圍碧松色六朝青鳥啄齋餘鉢後窺講罷經夜深人語寂冥翠落空亭

虎岑送慈和上人歸衡陽

西風吹落葉先向客中間已動悲秋意那堪復送君長辭虎岑月高卧雁峯雲此後松根石何人話夕曛

立秋夜聞蟋蟀

如何當此夕寂寞發哀鳴忽墮孤燈淚還傷還客情悲風驚葉落餘響入秋聲念爾愁難寐荒村欲五更

少嵐上人索題芋園印譜拈此應之

大道本無文字象雪鴻偶寄爪泥痕我亦印空書咄咄了無工拙與人論

歸雲

煙樹蒼茫疊翠微道人長掩竹中扉白雲也識山居味不待鳴鐘已早歸

與湛大笠山

八指頭陀詩集卷二

七

一自天台采藥歸蕭然更覺世情非慙慙特向故人道爲覓雲山挂衲衣

送吳稱三官城步教諭

石筍峯高高插天筍坡坡上草如煙一官底事輕拋去寂寞春山響杜鵑

過養知書屋敬贈

高卧白雲裏翛然獨掩扉立言不苟合與世自相違豈爲一身計甯辭眾口非平生憂國淚多少在朝衣

題吳稱三石筍山房圖

丙戌

活活蘭溪水幾幾石筍峯幽人抱奇節結宇依青松風

定樵聲近林昏樹影重何時筇竹杖來訪鹿門蹤

擬古二首

西嶺自逶迤東城亦崔嵬仰觀浮雲馳俯聽悲風來山川自如昔古人安在哉青條不再榮白骨繁蒿萊本無千歲期徒爲百世哀采藥求長生海上空徘徊達人隨大化一任芳華摧

繁露摧蕙蘭春風覆桃李人生大塊中逐物寧有已物遷情自移美惡無定理執情紛是非解空無彼此尙不慕泥洹焉知佈生死

六月十五碧浪湖看月遇雨用王壬秋社長韻

八指頭陀詩集卷二

入

長夏苦炎鬱一作郊外遊面麓繁煙青澄湘靜不流芳葉襲行衣鐘梵聲寥幽虛亭納湖光佳客與淹留相期趁涼夜汎月迴輕舟層雲翳太虛四座風颼颼飛雨湖上來颯然天已秋寒暄異須臾萬事良悠悠

題按察使夏公嶽遊詩後

一解簪纓累名山恣意看望衡湘九轉入嶽路千盤絕頂懷韓愈寒巖訪懶殘懸知望日處應可見長安聞道方廣勝逍遙得大觀泉飛六月冷衣染萬山寒老衲能分餉樵夫不識官朱張遺蹟在聊爲小盤桓

九月十九玉池老人招集碧浪湖展重陽因賦

老人興不淺飛蓋入煙霞展作重陽會還勞長者車清言契尊酒高詠動鳴鴉莫恨歲華晚籬邊菊未花偶尋蓮社約似接竹林遊細雨林塘晚微風草樹秋湖山得佳賞車馬此淹留惆悵煙鐘動獨歸池上樓

秋夜憶弟

憶弟夜難寐挑鐙心自悲難分家室累忍讀鴉鵲詩對月空垂淚還鄉未有期幽人正愁絕蟋蟀爾休呢

送戴仲山歸衡山

一曲驪歌不可聞布帆湖上掛斜曛異時相訪應難過七十二峯多白雲

八指頭陀詩集卷二

九

贈壁臣居士

繁華事散髮如絲萬里青山獨往時一種風情誰得似嶺南爭唱荔支詩

君有尊前聚散多萍梗嶺外風情祇荔支句爲人傳誦

題碧虛煉師此君軒

仙家翻厭漁人俗不種桃花祇種竹簌簌清風涼滿軒坐久不知衣已綠

武昌城晚眺

蕭暮古城頭蒼茫萬里秋大江流漢水落日滿汀洲天地一迴首關山起夕愁南樓今夜月還憶庾公遊

登黃鶴樓